

SIC tumačenje 7

Uvođenje eura

Reference

- MRS 1 - *Prezentacija finansijskih izvještaja* (izmijenjen 2007.)
- MRS 8 - *Računovodstvene politike, promjene računovodstvenih procjena i greške*
- MRS 10 - *Događaji nakon izvještajnog perioda*
- MRS 21 - *Efekte promjena kursa stranih valuta* (izmijenjen 2003.)
- MRS 27 - *Konsolidovani i odvojeni finansijski izvještaji* (izmijenjen 2008.)

Pitanja

1. Od 1. januara 1999. godine kada počinje funkcionisanje Ekonomske i monetarne unije (EMU), euro postaje samostalna valuta a stope konverzije između eura i valuta država članica neopozivo fiksne, odnosno, rizik naknadnih kursnih razlika u vezi sa tim valutama se od ovog datuma nadalje eliminiše.
2. Pitanje koje se se odnosi na primjenu MRS 21 kod prelaska država članica Evropske unije s njihovih domaćih valuta na euro (u daljem tekstu: "prelazak").

Službeno stajalište

3. Kod prelaska se treba striktno pridržavati zahtjeva MRS 21 u pogledu preračunavanja transakcija u stranim valutama i finansijskih izvještaja inostranog poslovanja. Ista logika se primjenjuje kod fiksiranja kursa za one zemlje koje se EMU pridruže u kasnijim fazama.
4. Ovo znači, naročito:
 - (a) devizna novčana sredstva i obaveze koje proizlaze iz transakcija i dalje se preračunavaju u funkcijsku valutu po zaključnom kursu. Sve eventualne kursne razlike po ovoj osnovi odmah se priznaju kao prihod ili rashod, osim što subjekat nastavlja primjenjivati svoju postojeću računovodstvenu politiku u odnosu na dobitke i gubitke od kursnih razlika u vezi sa zaštitom prognoziranog rizika kursnih razlika;
 - (b) ukupne kursne razlike u vezi sa preračunavanjem finansijskih izvještaja inostranog poslovanja priznate u sastavu ostale sveobuhvatne dobiti akumuliraju se u kapitalu i iz kapitala reklasifikuju u dobit ili gubitak samo prilikom otuđenja ili djelimičnog otuđenja neto ulaganja u inostrano poslovanje; i
 - (c) kursne razlike nastale iz preračunavanja obaveza denominovanih u valutama država članica ne uključuju se u knjigovodstvenu vrijednost povezanih sredstava.

Datum službenog stajališta

Oktobar, 1997. godine

Datum stupanja na snagu

Ovo tumačenje stupa na snagu 1. juna 1998. godine. Promjene računovodstvenih politika obračunavaju se u skladu sa zahtjevima MRS 8.

MRS 1 (izmijenjenim 2007.) izvršene su izmjene terminologije koja se koristi u svim MSFI-jevima. Pored toga, izmijenjena je i tačka 4. Subjekt će ove izmjene primjenjivati na godišnje periode početno sa ili nakon 1. januara, 2009. godine. Ukoliko subjekat MRS 1 (izmijenjen 2007.) primjenjuje na raniji period, dužan je na taj period primjenjivati i navedene izmjene.

MRS 27 (izmijenjen 2008.) uvodi izmjene i dopune tačke 4(b). Subjekt je dužan primjenjivati te izmjene i dopune na godišnje periode koji počinju na dan ili nakon 1. jula 2009. godine. Ukoliko subjekat MRS 27 (izmijenjen 2008.) primjenjuje na raniji period, dužan je na taj period primjenjivati i navedene izmjene i dopune.